



ՀԿԴ/0081/15/24

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Հայաստանի Հանրապետության
հակակոռուպցիոն դատարան,
նախագահող դատավոր Վ.Դոլմազյան

Հայաստանի Հանրապետության
վերաքննիչ հակակոռուպցիոն դատարան,
նախագահող դատավոր Ա.Մարտիրոսյան

2025 թվականի նոյեմբերի 13-ին

քաղաք Երևանում

ՀՀ Վճռաբեկ դատարանի հակակոռուպցիոն պալատի կոռուպցիոն
հանցագործությունների քննության դատական կազմը (այսուհետ նաև՝ Վճռաբեկ
դատարան),

Նախագահությամբ՝
մասնակցությամբ դատավորներ՝

Ռ.ՄԽԻԹԱՐՅԱՆԻ
Ե.ԴԱՆԻԵԼՅԱՆԻ
Ա.ԿՐԿՅԱՇԱՐՅԱՆԻ
Ս.ԶԻԶՈՅԱՆԻ
Դ.ՎԵՔԻԼՅԱՆԻ

գրավոր ընթացակարգով քննության առնելով Վ***** ***** Ա***** վերաբերյալ
ՀՀ վերաքննիչ հակակոռուպցիոն դատարանի (այսուհետ նաև՝ Վերաքննիչ
դատարան)՝ 2024 թվականի սեպտեմբերի 2-ի որոշման դեմ ՀՀ գլխավոր դատախազի
տեղակալ Ա.Պողոսյանի հատուկ վերանայման վճռաբեկ բողոքը,

Պ Ա Ր Զ Ե Ց

Վարույթի դատավարական նախապատմությունը.

1. 2021 թվականի մայիսի 17-ին ՀՀ ոստիկանության Արտաշատի բաժնում 2003 թվականի ապրիլի 18-ին ընդունված ՀՀ քրեական օրենսգրքի 308-րդ հոդվածի 2-րդ մասի հատկանիշներով հարուցվել է թիվ 27168721 քրեական գործը, որը 2021 թվականի մայիսի 25-ին միացվել է ՀՀ քննչական կոմիտեի Արարատի մարզային քննչական վարչությունում քննվող թիվ 27200920 քրեական գործին, և նախաքննությունը շարունակվել է թիվ 27200920 քրեական գործի համարի ներքո (այսուհետ նաև՝ քրեական վարույթ):

2. 2024 թվականի հուլիսի 2-ին ՀՀ քննչական կոմիտեի հատուկ հանձնարարություններով գործերի քննության վարչության ՀԿԳ քննիչ Լ.Բաղդասարյանը որոշում է կայացրել թիվ 27200920 քրեական վարույթով Վ.Ա.-ի գույքի արգելադրման մասին և նույն օրը ՀՀ հակակոռուպցիոն դատարան (այսուհետ նաև՝ Առաջին ատյանի դատարան) է ներկայացրել այդ որոշման իրավաչափությունը հաստատելու վերաբերյալ միջնորդություն, որն Առաջին ատյանի դատարանի՝ 2024 թվականի հուլիսի 18-ի որոշմամբ մերժվել է:

3. Առաջին ատյանի դատարանի վերոնշյալ որոշման դեմ ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի կողմից ներկայացվել է հատուկ վերանայման բողոք, որը Վերաքննիչ դատարանի՝ 2024 թվականի օգոստոսի 22-ի որոշմամբ վերադարձվել է՝ որոշմամբ արձանագրված թերությունը եռօրյա ժամկետում վերացնելու համար:

4. ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանը վերը նշված դատական ակտով սահմանված ժամկետում վերստին ներկայացրել է հատուկ վերանայման բողոք, որը Վերաքննիչ դատարանի՝ 2024 թվականի սեպտեմբերի 2-ի որոշմամբ թողնվել է առանց քննության:

5. Վերաքննիչ դատարանի վերոնշյալ որոշման դեմ ՀՀ գլխավոր դատախազի տեղակալ Ա.Պողոսյանը բերել է հատուկ վերանայման վճռաբեկ բողոք, որը Վճռաբեկ

դատարանի՝ 2024 թվականի հոկտեմբերի 30-ի որոշմամբ ընդունվել է վարույթ, և սահմանվել է դատական վարույթի իրականացման գրավոր ընթացակարգ:

Հատուկ վերանայման վճռաբեկ բողոքի հիմքերը, փաստարկները և պահանջը.

Վճռաբեկ բողոքը քննվում է հետևյալ հիմքերի սահմաններում՝ ներքոհիշյալ փաստարկներով.

6. Բողոքաբերը գտել է, որ Վերաքննիչ դատարանի՝ 2024 թվականի սեպտեմբերի 2-ի որոշումը չի բխում ՀՀ քրեական դատավարության օրենսգրքի 390-391-րդ հոդվածների պահանջներից, դրանով թույլ է տրվել դատական սխալ՝ քրեադատավարական օրենքի էական խախտում, որի արդյունքում չի ապահովվել ՀՀ քրեական դատավարության օրենսգրքի 15-րդ հոդվածով սահմանված՝ վարույթի հանրայնության սկզբունքի բովանդակությունը կազմող հանրային և մասնավոր շահերի հավասարակշռված պաշտպանությունը՝ ազդելով վարույթի ելքի վրա:

Միևնույն ժամանակ, ըստ բողոքաբերի՝ բողոքում բարձրացված հարցի վերաբերյալ Վճռաբեկ դատարանի որոշումը կարող է էական նշանակություն ունենալ օրենքի միատեսակ կիրառության համար:

6.1. Բողոքաբերի պնդմամբ՝ Վերաքննիչ դատարանի արձանագրումն առ այն, որ Առաջին ատյանի դատարանի՝ 2024 թվականի հուլիսի 18-ի որոշումը վարույթն իրականացնող մարմնի կողմից ՀՀ գլխավոր դատախազություն է ուղարկվել այն ստանալուց 19 օր անց, չի բխում վարույթի նյութերից, քանի որ այդ որոշումը թեև Առաջին ատյանի դատարանից ելքագրվել է 2024 թվականի հուլիսի 19-ին, սակայն վարույթն իրականացնող քննիչին հասու է դարձել միայն 2024 թվականի հուլիսի 23-ին, իսկ հսկող դատախազը վարույթն իրականացնող քննիչից այն ստացել է 2024 թվականի օգոստոսի 7-ին և ՀՀ քրեական դատավարության օրենսգրքի 390-րդ հոդվածով սահմանված տասնօրյա ժամկետում հատուկ վերանայման բողոք է ներկայացրել Վերաքննիչ դատարան:

6.2. Անդրադառնալով Վերաքննիչ դատարանի դատողությանն առ այն, որ քննիչը դատական ակտն ստանալու պահից տասնօրյա ժամկետում այն պետք է փոխանցի հսկող դատախազին՝ բողոքաբերը գտել է, որ դրանով ստորադաս

դատարանը դուրս է եկել մինչդատական վարույթի դատական երաշխիքների շրջանակից և քննիչի համար, ըստ էության, սահմանել է օրենքով չնախատեսված պարտականություն՝ հանգելով անհիմն ու սխալ հետևության, որը չի բխում ՀՀ քրեական դատավարության օրենսգրքի 35-րդ հոդվածի դրույթներից ու տրամաբանությունից:

6.3. Բողոքաբերի գնահատմամբ՝ Վերաքննիչ դատարանն անհիմն ու չպատճառաբանված հետևության է հանգել նաև առ այն, որ քննիչի կողմից դատարանի որոշումն ստանալը, այն դատախազին փոխանցելը և վերջինիս կողմից բողոք ներկայացնելը պետք է իրականացվի տասնօրյա ժամկետում:

6.4. Մինևույն ժամանակ, ըստ բողոքաբերի՝ Վերաքննիչ դատարանը, քննիչի համար սահմանելով դատական ակտը դատախազին տրամադրելու օրենքով չնախատեսված ուղղակի պարտականություն, նաև անտեսել է ՀՀ քրեական դատավարության օրենսգրքի 297-րդ հոդվածի 2-րդ մասով սահմանված կարգավորումը, համաձայն որի՝ գույքի արգելադրման որոշման իրավաչափությունը հաստատելու միջնորդության քննության արդյունքում կայացված որոշումը դատարանը պատշաճ կերպով հանձնում կամ ուղարկում է վարույթի մասնակիցներին ոչ ուշ, քան որոշումը հրապարակելու կամ կայացնելու հաջորդ օրը, ինչից բխում է, որ դատարանն ունի համապատասխան որոշման պատճենը վարույթի բոլոր մասնակիցներին, այդ թվում՝ հսկող դատախազին ուղարկելու պարտականություն, ինչը տվյալ դեպքում չի կատարվել:

6.5. Անդրադառնալով Վերաքննիչ դատարանի հետևությանն առ այն, որ տասնօրյա ժամկետում բողոքարկման ենթակա դատական ակտը սույն դեպքում բողոքարկվել է այն ստանալուց 24 օր հետո, իսկ սահմանափակման ենթակա իրավունքի կրողի՝ վարույթի մասնավոր մասնակցի համար դատական ակտն ստանալուց առնվազն 20 օր անց կարող էր կանխատեսելի լինել դատական ակտի օրինական ուժի մեջ մտնելն ու իր գույքի նկատմամբ կիրառված արգելանքի վերացման իրավաչափությունը, որպիսի պայմաններում հատուկ վերանայման բողոք ներկայացնելու ժամկետը հարգելի համարելը հակասում է նաև զենքերի հավասարության հիմնարար սկզբունքին՝ բողոքաբերը նշել է, որ թեև քննիչի կողմից 2024 թվականի հուլիսի 2-ին որոշում է կայացվել գույքի արգելադրում կիրառելու

մասին, սակայն այդ որոշման իրավաչափությունը դատարանի կողմից չի հաստատվել, այսինքն՝ գույքը չի արգելադրվել: Բացի այդ, հատուկ վերանայման բողոքը դատախազի կողմից ներկայացվել է այն ստանալուց հետո տասնօրյա ժամկետում, հետևաբար ստորադաս դատարանի այն մոտեցումը, որ տվյալ իրադրությունում խախտվել է գեներալի հավասարության սկզբունքը, հիմնավորված ու փաստարկված չէ:

Բողոքաբերը միաժամանակ փաստարկել է, որ Վերաքննիչ դատարանն իր որոշմամբ չի նշել, թե տվյալ դեպքում կոնկրետ ինչ հետևանքներ են առաջացել կամ ում իրավունքներն են խախտվել հատուկ վերանայման բողոքը, ըստ ստորադաս դատարանի գնահատման, ուշ ներկայացվելու արդյունքում:

6.6. Վերոգրյալի հիման վրա բողոքաբերը խնդրել է Վերաքննիչ դատարանի՝ 2024 թվականի սեպտեմբերի 2-ի որոշումը բեկանել և կայացնել դրան փոխարինող դատական ակտ՝ հսկող դատախազի հատուկ վերանայման բողոքը քննության առնելու համար վարույթը փոխանցելով ստորադաս դատարան:

Հատուկ վերանայման վճռաբեկ բողոքի քննության համար էական նշանակություն ունեցող փաստական հանգամանքները.

7. Առաջին ատյանի դատարանն իր՝ 2024 թվականի հուլիսի 18-ի որոշման օրինակները 2024 թվականի հուլիսի 19-ին փոստին հանձնելու միջոցով ուղարկել է Վ.Ա.-ին և ՀՀ քննչական կոմիտեի հատուկ հանձնարարություններով գործերի քննության վարչության ՀԿԳ քննիչ Լ.Բաղդասարյանին¹:

7.1. Առաջին ատյանի դատարանի վերոնշյալ որոշումը ՀՀ քննչական կոմիտեում ստացվել է 2024 թվականի հուլիսի 23-ին², իսկ այն ՀՀ քննչական կոմիտեից ՀՀ գլխավոր դատախազություն է ուղարկվել և այնտեղ ստացվել՝ 2024 թվականի օգոստոսի 7-ին³:

7.2. Առաջին ատյանի դատարանի՝ 2024 թվականի հուլիսի 18-ի որոշման դեմ ՀՀ գլխավոր դատախազության պետական իշխանության դեմ ուղղված

¹ Տե՛ս վարույթի նյութեր, հատոր 1, թերթեր 101-105:

² Տե՛ս վարույթի նյութեր, հատոր 2, թերթ 47:

³ Տե՛ս վարույթի նյութեր, հատոր 2, թերթ 22:

հանցագործությունների գործերով վարչության պետի տեղակալ Ա.Նշանյանի հատուկ վերանայման բողոքը փոստին է հանձնվել 2024 թվականի օգոստոսի 12-ին⁴:

8. Վերաքննիչ դատարանը, առանց քննության թողնելով ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի հատուկ վերանայման բողոքը, իր՝ 2024 թվականի սեպտեմբերի 2-ի դատական ակտը պատճառաբանել է հետևյալ կերպ. «(...) ՀՀ հակակոռուպցիոն դատարանի 2024 թվականի հուլիսի 18-ի թիվ ՀԿԴ/0081/15/24 վարույթով «Գույքի արգելադրման որոշման իրավաչափությունը հաստատելու միջնորդությունը քննելու մասին» որոշումը ՀՀ հակակոռուպցիոն կոմիտեի ՀԿԳ քննության վարչության ՀԿԳ քննիչ Լ.Բաղդասարյանին ուղարկվել է 2024 թվականի հուլիսի 19-ին: Որոշումը քննիչը սրացել է 2024 թվականի հուլիսի 23-ին, որը վերջինը ՀՀ գլխավոր դատախազություն է ուղարկել միայն 2024 թվականի օգոստոսի 7-ին՝ դատական ակտը սրանալուց 19 օր անց:

Թեև օրենսդիրը չի սահմանում, թե քննիչը քանի օրերի ընթացքում պետք է դատական ակտն ուղարկի հսկող դատախազին, սակայն, միևնույն ժամանակ հարակ են հայտնվել վերանայման բողոք բերելու օրենսդրական ժամկետները, այն է՝ համապատասխան դատական ակտն սրանալու օրվանից հետո՝ տասնօրյա ժամկետը: Քննիչը վերաքննության կարգով բողոք ներկայացնելու սուբյեկտ չի հանդիսանում, փոխարենը՝ առաջին արյանի դատական ակտի վերաբերյալ անհամաձայնություն հայտնելու և դատական վերանայման իրավունքից օգտվելու իրավունքով որպես վարույթի հանրային մասնակից օժտված է դատախազը, ինչից ողջամտորեն պարզ է դառնում, որ քննիչը դատական ակտը սրանալու պահից հիշյալ ժամկետում այն պետք է փոխանցի հսկող դատախազին, որպեսզի դատական ակտի հետ անհամաձայնության առկայության դեպքում վերջինը հնարավորություն սրանա՝ բողոքարկման իրավունքն իրացնելու: Ասվածը, սակայն, չի ենթադրում, որ քննիչը կարող է դատական ակտը հասցեագրել հսկող դատախազին իր գնահատմամբ ողջամիտ ցանկացած ժամկետում, այլ պարտավորվում է գործընթացն ապահովել հնարավոր ամենասեղմ ժամկետում, քանի որ ՀՀ քրեական դատավարության օրենսգրքի 35-րդ հոդվածի ուժով՝ հենց քննիչն է պարտասխանարու

⁴ Տե՛ս վարույթի նյութեր, հատոր 2, թերթ 23:

նախաքննության համակողմանիության, դրա բնականոն ընթացքի, քննչական գործողություններն օրենքով սահմանված կարգով ու ժամանակին կատարելու, ինչպես նաև իր կիրառած հարկադրանքի միջոցների իրավաչափության համար:

Բացի այդ, հսկող դատախազն իր հերթին ՀՀ քրեական դատավարության օրենսգրքի 35-րդ հոդվածի ուժով, ի թիվս այլնի, պարտավորված է մինչդատական վարույթի օրինականության, վարույթի հանրային մասնակիցների կողմից հարկադրանքի միջոցների կիրառման օրինականության, ինչպես նաև դատական ակտի բողոքարկման կամ չբողոքարկման իրավաչափության համար:

Սույն համարեքստում Վերաքննիչ դատարանն ընդգծում է, որ քրեական վարույթը սրարիկ երևույթ չէ, և անգամ ժամերի կամ օրերի փոփոխությամբ վարույթով տեղի է ունենում իրադրության և իրավահարաբերության փոփոխություն, որպիսի պայմաններում անձի նկատմամբ կիրառված հարկադրանքի միջոցները, որոշակի իրավունքների սահմանափակումները կորցնում են իրենց արդիականությունը և վարույթի բնականոն ընթացքը կարող է բերվել ռիսկայնության դաշտ: Ողջ վերոգրյալի համարեքստում Վերաքննիչ դատարանը փաստում է, որ քննիչի կողմից դատական ակտը դատախազին ուղարկելու համար օրենսդրական ժամկետների բացակայությունը չի վկայում այն մասին, որ նախաքննական մարմինը կարող է սույն մեխանիզմն իրացնել վարույթի ցանկացած փուլում՝ առանց ողջամիտ ժամկետով սահմանափակվելու:

Վերաքննիչ դատարանի դիրքորոշումը կարող էր այլ լինել, եթե առնվազն քննիչի կողմից դատական ակտը դատախազին ուղարկված լիներ տասնօրյա ժամկետի պահպանմամբ, սակայն, փաստացի, դատական ակտը գրությամբ դատախազություն է ուղարկվել 2024 թվականի օգոստոսի 7-ի թվագրմամբ՝ դատական ակտը սրանալու օրվանից 19 օր անց, որպիսի պայմաններում Վերաքննիչ դատարանն արձանագրում է, որ չարաշահվել է հարուկ վերանայման բողոքի ներկայացման քրեադատավարական ժամկետից օգտվելու իրավունքը, և սրացվել է այնպիսի իրավիճակ, որ տասնօրյա ժամկետում բողոքարկման ենթակա դատական ակտը բողոքարկվել է դատական ակտը սրանալու օրվանից 24 օր հետո: Այս առումով հարկ է փաստել, որ սահմանափակման ենթակա իրավունքի կրողի՝ վարույթի մասնավոր մասնակցի համար դատական ակտը սրանալու օրվանից

առնվազն քսան օր հետո կարող էր կանխատեսելի լինել՝ դատական ակտի օրինական ուժի մեջ մտնելը և իր գույքի նկատմամբ կիրառված արգելանքի վերացման իրավաչափությունը, որպիսի պայմաններում սույն հատուկ վերանայման բողոքի ներկայացման ժամկետը հարգելի համարելը հակասում է նաև զենքերի հավասարության հիմնարար սկզբունքին (վարույթի մասնավոր մասնակցի համար բողոքարկման ժամկետը հոսում է հենց իր կողմից դատական ակտը սրանալու պահից), իսկ «Օջալանն ընդդեմ Թուրքիայի Հանրապետության» գործով Մարդու իրավունքների եվրոպական դատարանն այն դիրքորոշումն է հայտնել, որ զենքերի հավասարության սկզբունքն արդարացի դատաքննության լայն հասկացության հարկանիշներից մեկն է, որն ընդգրկում է նաև այն հիմնարար իրավունքը, որ քրեական վարույթը պետք է մրցակցային լինի: Բացի այդ, Վերաքննիչ դատարանը գրնում է, որ նման վարքագիծը խաթարում է նաև իրավական որոշակիության սկզբունքը, ինչպես նաև մասնավոր մասնակցի կողմից՝ դատավարական հակառակ կողմի բողոքարկման ժամկետների վերաբերյալ կանխատեսելիության սկզբունքը:

Ավելին, եթե առաջնորդվենք բողոքարկման ժամկետներ նախատեսող նորմի տառացի մեկնաբանմամբ, ապա, Վերաքննիչ դատարանը գրնում է, որ ողջամիտ կհամարվի այն մոտեցումը, երբ վարույթն իրականացնող մարմինը կունենա նույն տասնօրյա բողոքարկման ժամկետը, ինչ մասնավոր մասնակցը, այլ կերպ՝ քննիչի կողմից դատարանի որոշումը սրանալու, այն դատախազին փոխանցելու և դատախազի կողմից բողոք ներկայացնելու ժամկետը պետք է սահմանափակվի նույն տասնօրյա ժամկետում, առավելապես այն հանգամանքի հաշվառմամբ, որ քննիչը դատական ակտն սրանալուց հետո որևէ այլ գործառույթ չունի իրականացնելու, քան բողոքարկման ենթակա ակտը հսկող դատախազին փոխանցելն է:

Ողջ վերոգրյալի համարեքսարում Վերաքննիչ դատարանը փաստում է, որ օբյեկտիվորեն ՀՀ հակակոռուպցիոն դատարանի 2024 թվականի հուլիսի 18-ի թիվ ՀԿԴ/0081/15/24 վարույթով «Գույքի արգելադրման որոշման իրավաչափությունը հաստատելու միջնորդությունը քննելու մասին» որոշման դեմ ՀՀ գլխավոր դատախազության պետական իշխանության դեմ ուղղված հանցագործությունների

գործերով վարչության պերի տեղակալ Ա.Նշանյանի հատուկ վերանայման բողոքը ժամկետանց է, և այն ենթակա չէ քննության (...)»⁵:

Վճռաբեկ դատարանի հիմնավորումները և եզրահանգումը.

9. Սույն վարույթով Վճռաբեկ դատարանի առջև բարձրացված իրավական հարցը հետևյալն է. հիմնավո՞ր է արդյոք ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի հատուկ վերանայման բողոքը ժամկետանց լինելու հիմքով առանց քննության թողնելու վերաբերյալ Վերաքննիչ դատարանի հետևությունը:

10. ՀՀ Սահմանադրության 176-րդ հոդվածի 2-րդ մասի համաձայն՝
«Դատախազությունն օրենքով սահմանված դեպքերում և կարգով՝
(...)

2) *հսկողություն է իրականացնում մինչդատարանական քրեական վարույթի օրինականության նկատմամբ.*
(...)

4) *բողոքարկում է դատարանների վճիռները, դատավճիռները և որոշումները.*
(...)»:

ՀՀ քրեական դատավարության օրենսգրքի 6-րդ հոդվածի 1-ին մասի համաձայն՝
«Սույն օրենսգրքում օգտագործվող ներքոհիշյալ հասկացություններն ունեն
հետևյալ նշանակությունը.
(...)

12) *վարույթի հանրային մասնակից՝ դատախազը, քննիչը, քննչական մարմնի ղեկավարը, հետաքննության մարմնի պետը, հետաքննիչը.*
(...)

18) *դատախազ՝ պետական պաշտոնատար անձ, որը քրեական վարույթի ընթացքում պետության անունից իրականացնում է դատախազության՝ Հայաստանի Հանրապետության Սահմանադրությամբ նախատեսված իրավասության շրջանակում օրենքով իրեն վերապահված լիազորությունները.*

⁵ Տե՛ս վարույթի նյութեր, հատոր 2, թերթեր 52-58:

19) քննիչ՝ պերական պաշտոնատար անձ, որն իր իրավասության սահմաններում քրեական վարույթի ընթացքում իրականացնում է նախաքննություն.

(...):»:

ՀՀ քրեական դատավարության օրենսգրքի 35-րդ հոդվածի 2-րդ մասի համաձայն՝

«Դատախազը պատրաստանալու է (...) դատական ակտի բողոքարկման կամ չբողոքարկման իրավաչափության համար»:

ՀՀ քրեական դատավարության օրենսգրքի 353-րդ հոդվածի 1-ին մասի համաձայն՝

«Դատական վերանայման բողոք բերելու իրավունք ունեն՝

1) վարույթի մասնավոր մասնակիցը.

2) վարույթի մասնավոր մասնակից չհանդիսացող անձը, եթե դատական ակտն ուղղակիորեն վերաբերում է նրա իրավաչափ շահերին.

3) դատախազը»:

ՀՀ քրեական դատավարության օրենսգրքի 390-րդ հոդվածի 1-ին մասի համաձայն՝

«Վերաքննիչ դատարանում հարուկ վերանայման բողոքը բերվում է համապատասխան դատական ակտն սրանալու օրվանից հետո՝ տասնօրյա ժամկետում»:

10.1. Մեջբերված նորմերի համադրված վերլուծության հիման վրա Վճռաբեկ դատարանն արձանագրում է, որ քննիչը և դատախազը քրեական դատավարության ինքնուրույն սուբյեկտներ են և ունեն իրավունքների ու պարտականությունների ինքնուրույն շրջանակ: Այնուամենայնիվ, նրանց գործունեությունն ուղղված է միևնույն՝ հանրային շահի ապահովման գործառույթի իրականացմանը, որի ուժով էլ նրանց լիազորությունները փոխլրացնում են միմյանց: Ընդ որում, օրենսդիրը դատական վերանայման բողոք բերելու՝ վարույթի հանրային մասնակից է դիտարկել միայն դատախազին՝ ՀՀ քրեական դատավարության օրենսգրքով ամրագրելով դատախազի, ի թիվս այլնի, օրենքով սահմանված դեպքերում և կարգով դատական ակտերը բողոքարկելու բացառիկ լիազորությունը:

Միևնույն ժամանակ, վերոնշյալից հետևում է, որ դատախազի՝ դատական ակտը բողոքարկելու գործառնության իրացումը չի կարող սահմանափակվել քննիչի կողմից դրսևորվող որոշակի վարքագծով, իսկ քննիչի վրա չի կարող դրվել այնպիսի պարտավորություն, որը նախատեսված չէ ՀՀ քրեական դատավարության օրենսգրքի դրույթներով:

11. Վճռաբեկ դատարանը, *Վարդան Գրիգորյանի* գործով անդրադառնալով դատախազի կողմից դատական ակտի բողոքարկման ժամկետի սկիզբը հաշվելու հարցին, որը **նրան հանձնվել է ոչ թե դատարանի, այլ քննիչի կողմից**, արտահայտել է իրավական դիրքորոշումներ, որոնք, թեև վերաբերում են 1998 թվականի հուլիսի 1-ին ընդունված ՀՀ քրեական դատավարության օրենսգրքի դրույթներին, սակայն շարունակում են վերաբերելի մասով (*mutatis mutandis*) կիրառելի լինել նաև գործող քրեադատավարական կարգավորումների նկատմամբ:

Մասնավորապես նշված որոշմամբ Վճռաբեկ դատարանն արձանագրել է, որ վերաքննիչ բողոք բերելու ժամկետն ինչպես մեղադրյալի և նրա պաշտպանի, այնպես էլ դատախազի համար պետք է հաշվարկվի՝ որպես ելակետ ընդունելով դատարանի որոշումը բողոք բերելու իրավունք ունեցող համապատասխան դատավարության մասնակցին հանձնելու պահը: Իսկ այն դեպքում, երբ **որոշումը բողոքարկման իրավունք ունեցող դատախազին հանձնվել է ոչ թե դատարանի, այլ քննիչի կողմից**, ապա **դատախազի կողմից դատական ակտի բողոքարկման ժամկետի սկիզբը պետք է հաշվարկվի ոչ թե քննիչի կողմից որոշումը ստանալու պահից, այլ այն պահից, երբ այդ փաստաթուղթը հասու է դարձել դատախազին**⁶:

12. Սույն վարույթի նյութերի ուսումնասիրությունից երևում է, որ.

- Առաջին ատյանի դատարանն իր՝ 2024 թվականի հուլիսի 18-ի որոշման օրինակներն ուղարկել է Վ.Ա.-ին և ՀՀ քննչական կոմիտեի հատուկ հանձնարարություններով գործերի քննության վարչության ՀԿԳ քննիչ Լ.Բադդասարյանին⁷,

- Առաջին ատյանի դատարանի վերը նշված որոշումը ՀՀ քննչական կոմիտեում ստացվել է 2024 թվականի հուլիսի 23-ին, իսկ դրա պատճենը ՀՀ քննչական կոմիտեից

⁶ Տե՛ս Վճռաբեկ դատարանի՝ *Վարդան Գրիգորյանի* գործով 2018 թվականի հուլիսի 20-ի թիվ ԿԴ3/0030/06/17 որոշման 11-րդ կետը:

⁷ Տե՛ս սույն որոշման 7-րդ կետը:

ՀՀ գլխավոր դատախազություն է ուղարկվել, և այնտեղ այն ստացվել է 2024 թվականի օգոստոսի 7-ին⁸,

- 2024 թվականի օգոստոսի 12-ին վերը նշված դատական ակտի դեմ ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի կողմից փոստին հանձնելու միջոցով ներկայացվել է հատուկ վերանայման բողոք⁹,

- Վերաքննիչ դատարանը, ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի հատուկ վերանայման բողոքը թողնելով առանց քննության, գտել է, որ հատուկ վերանայման բողոք ներկայացնելու ժամկետը պահպանված չէ:

Մասնավորապես Վերաքննիչ դատարանը, ի թիվս այլնի, փաստելով, որ քննիչի կողմից դատական ակտը դատախազություն է ուղարկվել այն ստանալու օրվանից 19 օր անց, գտել է, որ չարաշահվել է հատուկ վերանայման բողոք ներկայացնելու քրեադատավարական ժամկետից օգտվելու իրավունքը, որի արդյունքում ստացվել է այնպիսի իրավիճակ, որ տասնօրյա ժամկետում բողոքարկման ենթակա դատական ակտը բողոքարկվել է դատական ակտն ստանալու օրվանից 24 օր հետո:

Միևնույն ժամանակ, Վերաքննիչ դատարանը գտել է, որ սահմանափակման ենթակա իրավունքի կրողի՝ վարույթի մասնավոր մասնակցի համար դատական ակտն ստանալու օրվանից առնվազն քսան օր հետո կարող էր կանխատեսելի լինել դատական ակտի օրինական ուժի մեջ մտնելը և իր գույքի նկատմամբ կիրառված արգելանքի վերացման իրավաչափությունը, որպիսի պայմաններում հատուկ վերանայման բողոք ներկայացնելու ժամկետը հարգելի համարելը կհակասի գենքերի հավասարության հիմնարար սկզբունքին, քանի որ վարույթի մասնավոր մասնակցի համար բողոքարկման ժամկետը հոսում է հենց իր կողմից դատական ակտն ստանալու պահից:

Արդյունքում Վերաքննիչ դատարանը հետևության է հանգել, որ քննիչի կողմից դատարանի որոշումը դատախազին փոխանցվելու և վերջինիս կողմից հատուկ վերանայման բողոք ներկայացվելու ժամկետը պետք է սահմանափակվի տասն օրվա

⁸ Տե՛ս սույն որոշման 7.1-ին կետը:

⁹ Տե՛ս սույն որոշման 7.2-րդ կետը:

շրջանակում՝ իր դիրքորոշումը պայմանավորելով առավելապես այն հանգամանքով, որ քննիչը դատական ակտն ստանալուց հետո որևէ այլ գործառույթ չունի իրականացնելու, քան բողոքարկման ենթակա դատական ակտը հսկող դատախազին փոխանցելն է¹⁰:

13. Նախորդ կետում մեջբերված փաստական հանգամանքները գնահատելով սույն որոշմամբ արձանագրված իրավական դիրքորոշումների լույսի ներքո՝ Վճռաբեկ դատարանը փաստում է, որ սույն վարույթով ՀՀ քննչական կոմիտեի հատուկ հանձնարարություններով գործերի քննության վարչության ՀԿԳ քննիչ Լ.Բաղդասարյանի՝ գույքի արգելադրման որոշման իրավաչափությունը հաստատելու մասին միջնորդության քննարկման արդյունքում կայացված դատական ակտն Առաջին աստիճանի դատարանը պետք է ուղարկեր ինչպես համապատասխան միջնորդությունը ներկայացրած նախաքննության մարմնին, այնպես էլ մինչդատական վարույթի օրինականության նկատմամբ հսկողություն իրականացրած դատախազին:

Վճռաբեկ դատարանը գտնում է, որ ՀՀ քրեական դատավարության օրենսգրքի 353-րդ հոդվածի 1-ին մասի 3-րդ կետով դատախազին վերապահված՝ դատական վերանայման բողոք բերելու իրավասությունն արդյունավետ իրացնելու համար անհրաժեշտ է, որ մինչդատական վարույթի դատական երաշխիքների շրջանակում կայացված դատական ակտի մասին դատարանը պատշաճ կերպով իրազեկի նաև մինչդատական վարույթի օրինականության նկատմամբ հսկողություն իրականացնող դատախազին: Հակառակ մեկնաբանության պարագայում կվտանգվի դատախազական հսկողության արդյունավետ իրականացման սահմանադրաիրավական պահանջը, որի հետևանքով դատախազը կգրկվի ՀՀ քրեական դատավարության օրենսգրքով իրեն վերապահված լիազորությունն արդյունավետ իրացնելու հնարավորությունից:

Ընդ որում, Վճռաբեկ դատարանն արձանագրում է, որ վերը նշված դիրքորոշումը համահունչ է նաև 1998 թվականի հուլիսի 1-ին ընդունված ՀՀ քրեական դատավարության օրենսգրքի 285-րդ հոդվածի 5-րդ մասի դրույթների վերաբերյալ Սահմանադրական դատարանի կողմից արձանագրված սահմանադրաիրավական

¹⁰ Տե՛ս սույն որոշման 8-րդ կետը:

մեկնաբանմանն¹¹ ու դրա հաշվառմամբ Վճռաբեկ դատարանի կողմից արձանագրված իրավական դիրքորոշմանն առ այն, որ համապատասխան դատական ակտն առաջին ատյանի դատարանը պետք է հանձնի (ուղարկի) ոչ միայն միջնորդությունը հարուցած քննիչին, այլ նաև՝ դատախազին¹²:

14. Անդրադառնալով Վերաքննիչ դատարանի այն դատողությանը, որ քննիչը դատական ակտն ստանալուց հետո որևէ այլ գործառույթ չունի իրականացնելու, քան բողոքարկման ենթակա դատական ակտը հսկող դատախազին փոխանցելն է, ուստի նրա կողմից դատական ակտը դատախազին փոխանցվելու, և վերջինիս կողմից հատուկ վերանայման բողոք ներկայացվելու ժամկետը պետք է սահմանափակվի տասն օրվա շրջանակում՝ Վճռաբեկ դատարանն ընդգծում է, որ քրեական վարույթի հանրային մասնակիցների գործունեության արդյունավետությունն անմիջականորեն կապված է նրանց կարգավիճակից բխող պաշտոնեական լիազորություններն օրենքով սահմանված կարգով իրականացնելու հետ, իսկ վարույթի հանրային մասնակիցների իրավական փոխհարաբերություններից չի բխում քննիչի կողմից ստացված դատական ակտը որևէ ժամկետում դատախազին հանձնելու պարտականություն: Ավելին՝ ՀՀ քրեական դատավարության օրենսգրքի 297-րդ հոդվածի 2-րդ մասի համաձայն՝ գույքի արգելադրման մասին որոշման իրավաչափությունը հաստատելու միջնորդության քննության արդյունքով կայացվող որոշումն առաջին ատյանի դատարանն ամբողջությամբ պատշաճ ձևով հանձնում կամ ուղարկում է վարույթի մասնակիցներին, այդ թվում՝ նաև դատախազին: Վերոգրյալից հետևում է, որ Վերաքննիչ դատարանի վերոնշյալ դատողությունն իրավաչափ չէ, և Վերաքննիչ դատարանը, ըստ էության, քննիչի համար սահմանելով ՀՀ քրեական դատավարության օրենսգրքից չբխող դատավարական պարտականություն՝ դրա կատարման համար կոնկրետ ժամկետի ներառմամբ, քննարկման առարկա է դարձրել այնպիսի հարցեր, որոնք դուրս են մինչդատական վարույթի դատական երաշխիքների վարույթի առարկայի շրջանակներից:

15. Ինչ վերաբերում է Վերաքննիչ դատարանի այն դիտարկմանը, որ սահմանափակման ենթակա իրավունքի կրողի՝ վարույթի մասնավոր մասնակցի

¹¹ Տե՛ս ՀՀ Սահմանադրական դատարանի՝ 2017 թվականի հունիսի 13-ի թիվ ՍԴՌ-1373 որոշումը:

¹² Տե՛ս Վճռաբեկ դատարանի՝ Վարդան Գրիգորյանի գործով 2018 թվականի հուլիսի 20-ի թիվ ԿԴՅ/0030/06/17 որոշման 9.1-ին կետը:

համար դատական ակտն ստանալու օրվանից առնվազն քսան օր հետո կարող էր կանխատեսելի լինել դատական ակտի օրինական ուժի մեջ մտնելը և իր գույքի նկատմամբ կիրառված արգելանքի վերացման իրավաչափությունը, որպիսի պայմաններում հատուկ վերանայման բողոքի ներկայացման ժամկետը հարգելի համարելը կհակասի նաև զենքերի հավասարության հիմնարար սկզբունքին, ապա Վճռաբեկ դատարանն ընդգծում է, որ տվյալ դեպքում վարույթի մասնակիցների համար ողջամտորեն պետք է կանխատեսելի լիներ, որ Առաջին ատյանի դատարանի՝ 2024 թվականի հուլիսի 18-ի որոշումը կարող է բողոքարկվել վերադաս դատարան՝ նկատի ունենալով, որ դրա եզրափակիչ մասում պարզաբանվել է այդ դատական ակտի՝ հատուկ վերանայման կարգով բողոքարկվելու կարգի և ժամկետների մասին¹³։ Մինևույն ժամանակ, համաձայն ՀՀ քրեական դատավարության օրենսգրքի 356-րդ հոդվածի՝ դատական վերանայման բողոքը ներկայացվում է համապատասխան վերադաս դատարան, իսկ դրա պատճենը՝ դատական ակտը կայացրած ստորադաս դատարան, որը, ստանալով բողոքը, դրա պատճենն օրենքով սահմանված կարգով ուղարկում է դատական վարույթի մասնակիցներին՝ պարզաբանելով բողոքի պատասխան ներկայացնելու իրավունքը, կարգը և ժամկետը։ Ուստի ՀՀ քրեական դատավարության օրենսգիրքը դատական վերանայման կառուցակարգերի շրջանակներում, ելնելով արդար դատաքննության, կողմերի հավասարության և մրցակցության սկզբունքներից, սահմանել է գործուն մեխանիզմներ՝ առավելագույնս ապահովելով վարույթի մասնակիցների՝ դատական ակտի բողոքարկման և դրա արդյունքների մասին պատշաճ տեղեկացված լինելու իրավունքը։

16. Վերոգրյալի հաշվառմամբ՝ Վճռաբեկ դատարանը, փաստելով, որ սույն վարույթով Առաջին ատյանի դատարանի դատական ակտը մինչդատական վարույթի օրինականության նկատմամբ հսկողություն իրականացնող դատախազին ուղարկել է նախաքննության մարմինը, գտնում է, որ տվյալ դեպքում բողոքարկման ժամկետը պետք է հաշվարկվել նշված դատական ակտը վարույթն իրականացնող մարմնից ՀՀ գլխավոր դատախազությունում ստացվելու օրվանից՝ 2024 թվականի օգոստոսի 7-ից, որպիսի պարագայում հատուկ վերանայման բողոք ներկայացնելու ժամկետը կլրանար 2024 թվականի օգոստոսի 19-ին (հաշվի առնելով, որ 2024 թվականի

¹³ Տե՛ս վարույթի նյութեր, հատոր 1, թերթ 100:

օգոստոսի 17-ը և 18-ը եղել են ոչ աշխատանքային օրեր), մինչդեռ բողոքը փոստին է հանձնվել 2024 թվականի օգոստոսի 12-ին:

Այլ կերպ՝ Վերաքննիչ դատարանը հաշվի չի առել, որ Առաջին ատյանի դատարանը նախաքննության մարմնի միջնորդության քննության վերաբերյալ որոշումը մինչդատական վարույթի օրինականության նկատմամբ հսկողություն իրականացնող դատախազին չի ուղարկել, որպիսի պայմաններում վերջինիս՝ հատուկ վերանայման բողոք ներկայացնելու ժամկետը պետք է հաշվարկվեր ոչ թե համապատասխան միջնորդությունը հարուցած՝ ՀՀ քննչական կոմիտեի հատուկ հանձնարարություններով գործերի քննության վարչության ՀԿԳ քննիչ Լ.Բաղդասարյանի կողմից այդ որոշումն ստանալու պահից, այլ այն պահից, երբ նշված դատական ակտը հասու է դարձել հսկող դատախազին, այսինքն՝ 2024 թվականի օգոստոսի 7-ից:

Հետևաբար ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի հատուկ վերանայման բողոքը ժամկետանց լինելու հիմքով առանց քննության թողնելու մասին Վերաքննիչ դատարանի հետևությունը հիմնավոր չէ:

17. Ամփոփելով վերոգրյալը՝ Վճռաբեկ դատարանն արձանագրում է, որ Վերաքննիչ դատարանը, ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի հատուկ վերանայման բողոքը ժամկետանց լինելու պատճառաբանությամբ առանց քննության թողնելով, թույլ է տվել դատական սխալ՝ ՀՀ քրեական դատավարության օրենսգրքի 15-րդ հոդվածով սահմանված վարույթի հանրայնության սկզբունքի խախտում, ինչը, նույն օրենսգրքի 362-րդ հոդվածի համաձայն, հիմք է ստորադաս դատարանի դատական ակտը բեկանելու և վարույթը նույն դատարան՝ նոր քննության փոխանցելու համար¹⁴:

Նոր քննության ընթացքում Վերաքննիչ դատարանը ՀՀ գլխավոր դատախազության պետական իշխանության դեմ ուղղված հանցագործությունների գործերով վարչության պետի տեղակալ Ա.Նշանյանի հատուկ վերանայման բողոքի

¹⁴ Տե՛ս, *mutatis mutandis*, Վճռաբեկ դատարանի՝ Հրայր Հովսեփյանի գործով 2020 թվականի մայիսի 25-ի թիվ ԵԴ/0426/11/18 և Ավսթ Ամինիի գործով 2023 թվականի հունվարի 25-ի թիվ ԵԴ/0752/06/22 որոշումները:

կապակցությամբ պետք է հանգի համապատասխան հետևության՝ հաշվի առնելով սույն որոշմամբ արտահայտված իրավական դիրքորոշումները:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, Հայաստանի Հանրապետության քրեական դատավարության օրենսգրքի 31-րդ, 33-րդ, 34-րդ, 264-րդ, 281-րդ, 352-րդ, 359-րդ, 361-363-րդ ու 400-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. Վ***** ***** Ա***** վերաբերյալ ՀՀ վերաքննիչ հակակոռուպցիոն դատարանի՝ 2024 թվականի սեպտեմբերի 2-ի որոշումը բեկանել և վարույթը փոխանցել նույն դատարան՝ նոր քննության:

2. Որոշումն օրինական ուժի մեջ է մտնում կայացնելու օրը:

Նախագահող՝ _____ Ռ.ՄԽԻԹԱՐՅԱՆ

Դատավորներ՝ _____ Ե.ԴԱՆԻԵԼՅԱՆ

_____ Ա.ԿՐԿՅԱՇԱՐՅԱՆ

_____ Ս.ԶԻՉՈՅԱՆ

_____ Դ.ՎԵՔԻԼՅԱՆ